

辨證奇聞



辨證

大便秘結門

太醫院院使鐘湖氏錢

松著

人有便秘閉結者其症口乾舌燥咽喉腫痛頭目昏暈面紅煩人以為火盛閉結也誰知是腎水之涸乎夫腎水為肺金之子而大腸屬金與肺為表裏也肺能生子豈大腸之金獨不能生水耶不知金各不同金得清氣則能生水金得濁氣不特不能生水而反欲得水以相養故大腸得氣之濁無水則不能潤也雖然大腸之能開能闔雖腎水潤之而亦腎火主之也然而腎火必得腎水以相濟無



腎水而大腸洞開矣無腎水以濟腎火則大腸又固結而不得出故腎虛而大腸不通不可徒瀉大腸也瀉大腸而愈損真陰固結又何日開乎此等之症老人最多正以老人陽旺而陰衰火有餘而水不足耳治之法但補其腎中之水則水足以濟火而大腸自潤矣方用濡腸飲 熟地二兩 當歸一兩 肉蓯蓉一兩 水洗淡浸一日換水五次水煎空腹服一連數劑無不通者此方用熟地以補其腎用當歸主血以潤腸用蓯蓉性動以通便妙是補陰而非亡陽之物於老人尤宜而少年腎虛之輩亦何獨不利哉人有大便閉結者其症腹少作痛胸中噯氣畏寒畏冷喜

飲熱湯人以爲火衰閉結也誰知是腎火之微乎夫大腸  
屬金金宜畏火之刑何以無火而金反閉耶豈火不刑金  
乎不知金中有火則金不死益頑金非火不煨也所以大  
腸必得火始能開闔大腸者傳道之官也有火則轉輸無  
礙無火則幽陰之氣閉塞其輪輓之途如大溪巨壑霜雪  
堆積結成冰凍堅厚而不可開倘得太陽照臨則立時消  
化非大腸有火則通無火則閉之明驗乎然而大腸不可  
有火也大腸不可有火而又不可無火者不可無腎中之  
火也火在大腸則大腸有大熱之虞火在腎中則大腸無  
太寒之惧倘腎中無火則大腸何以俾化水投哉治之法



必須補腎中之火而不必通大腸之結也方用溫腸開閉  
湯 巴戟天一兩 白米一兩 熟地一兩 山茱萸五錢 附子  
二錢 水煎服此方用巴戟熟地山茱萸以補腎妙在重陰  
之中仍有至陽之氣又妙在用白米以利腰臍用附子直  
通其腎而迅達於膀胱則火氣薰蒸陽回黍谷雪消水泮  
何至固結之塞哉

人有大便閉結煩躁不寧口渴舌裂兩目赤突汗出不止  
人以爲火盛閉結也誰知是胃火之沸騰乎夫陽明胃火  
一發多不可救必有燥乾腎水之禍大便之不通正胃火  
燥乾腎水之驗也似宜急用救火之藥以息其火火性炎

上救火而火愈騰以細微之水潑之則火勢愈冲而上勢必至火烈難犯而不可止必得滂沱大雨傾盆倒甕淋漓洗濯則燭天燎原之火庶幾盡息化灰燼而為湍泉也方用竹葉石膏湯 石膏一兩知母三錢麥冬一兩甘草一錢茯苓二錢人參五錢竹葉一百片粘米一握水煎服一劑而火瀉二劑而便通矣改用清肅湯 玄參一兩麥冬五錢白芥子二錢竹葉三十片乾菊花二錢生地三錢陳皮五分丹皮二錢水煎服十劑而大便永無閉結之苦矣前用白虎湯者以火勢太盛不得已暫投中之水也但石膏辛散而性又猛烈頻用多用反致損絕真陰真陰一



耗則前火雖消而後火又將復起況火之有餘水之不足也與其瀉火以損陰何若補水以制陽之爲得所以改用清肅湯補水以息陽火之餘焰哉

人有大便閉結胞中飽悶兩脇疼痛嘔酸作吐不思飲食人以爲火之作祟也亦知爲肝火之故乎夫肝屬木肝易生火火旺似宜生脾胃之土土又生金何至大腸之無津而成閉結之症不知肝中之火乃木之火半是雷火也雷火最能燦水試看濃陰大雨一聞雷震而雷收雨散正樂水之明徵也故肝火不動則已動則引心包之火而沸騰引陽明之火而震動火多而水有不潤者乎水潤而大腸

又安得而不閉結哉故欲開大腸之閉必先瀉肝木之火  
肝木之火瀉則肝氣自平不來尅土胃脾之津液自能轉  
輸於大腸大腸有水則搬運有路自無阻滯之苦矣方用  
散火湯 白芍一兩 當歸一兩 炒梔子三錢 柴胡三分 大  
黃一錢 地榆二錢 水煎服一劑而大便通二劑而肝火盡  
散不再閉結也此方專入肝以瀉火而又能舒肝之鬱益  
肝木不鬱則肝火必不旺也解其鬱正所以散其火況肝  
火一散而各經之火無不盡散矣各經之火既已盡散豈  
獨留大腸一經之火固結而不散乎且方中原有地榆專  
解大腸之火也毋怪其不通者之無不通也





人大便閉結口乾唇烈食不能消腹痛難忍按之益痛小便短澀人以爲大便之火閉也誰知是脾火之作祟哉夫脾乃濕土得火則燥宜爲脾之所喜何以反成閉結之症不知土太柔則崩而太剛則燥土崩則成廢土而土燥則成焦土也然而土之焦也必非無因而火之焚也寧無其故非陽明之焰土燒必命門之火下逼二火合攻而脾之津液涸矣脾之津液既涸則水穀之入僅足以供脾之用又何能分潤於大腸乎大腸無津液之潤則腸必縮小而不能容物安得不閉結哉治之法必須急救脾土之焦而救脾土之焦者又必須瀉陽明命門之火脾土得養自

易生陰陰生而津液自潤又何必通人腸之多事哉方用

玄參二兩 當歸一兩 生地一兩 知母一錢 厚朴一錢 升

麻五分 大麻干三粒 水煎服二劑而大便必通減去大麻

子與知母再用四劑脾火盡散而大便不再結矣此方玄

參生地補脾土之陰而又是瀉命門脾胃之火當歸取以

潤腸知母厚朴取其下行以解熱升麻以提脾上之氣則

陽升而陰自降入於大腸矣大麻子最善入大腸而又能

引火下行而不使陰氣上升正所謂助升麻提陽氣也陽

既升而陰又降則津液無乾澁之虞又何患大腸之不通

哉



人有大便閉結舌下無津胸前出汗手足冰冷煩悶發躁  
大皆紅赤人皆以爲大便之火閉也然亦知是心火之炎  
燒乎夫心與小腸爲表裏未聞心與大腸有妨礙也然而  
大腸雖不與心爲表裏而實與肺爲表裏心火之盛未有不  
刑肺者也刑肺卽刑大腸矣蓋大腸屬金而火最刑金  
心火太盛則肺不能受自分其火與大腸而大腸又最畏  
心火火盛燦金可立而待也雖肺能生水肺與大腸有表  
裏之門切豈無津液之降以救大腸之枯渴無如肺先受  
心火之刑自救不遑親子如腎尙不能分潤又安有餘波  
以乃兄弟來救援大腸乎此大腸之所以不通也然則治

之法可不急瀉其心宮之火乎惟是徒瀉其火而無狂汗  
甘澤之降僅望肺金露氣之夜潤恐不足以濟大旱之渴  
也必須以大雨淋之則旱魃之氣頓除而河渠盡通何憂  
陸地之湯升矣方用掃氛湯 黃連 三錢 立參 三錢 沙參

一兩 當歸 一兩 麥冬 一兩 丹皮 一兩 瓜蒌 二錢 水煎服一

劑而心火降大便即通不必二劑也此方用黃連以直解  
其心中之熱然徒用黃連而不益之以立參則黃連雖寒  
而性燥火雖解而太腸之燥如故也得玄參之潤以助動  
則浮遊之火不特盡除而且潤以去燥不啻如夏熱之時  
忽得大雨既去火炎而又沾濡渥也又加沙參以生陰當



歸以生血麥冬以涼肺丹皮以涼腎無非斷四路之氛使其不來助心中之焰又加入瓜蒌使火存於心中者盡隨濡潤之藥下降而消滅之也火滅而水生則大腸之炎氣盡掃欲不通得乎所以一劑而奏功也

人有大腸閉塞不通咳嗽不寧口吐白沫咽喉乾燥兩腳冰冷人以爲三焦之火旺也誰知是肺經之火旺乎夫肺屬金而大腸亦屬金是肺與大腸正兄弟之國也兄國既強則弟國亦不能弱肺金火旺非強之謂乎柔金不可以火煨而強金遇火正可煉之以成器何肺火之旺而肺不能受竟傳入於大腸乎不知肺乃嬌藏也可微火以熏蒸

而不可猛火以煨煉故一遇火至而卽移其熱於大腸也  
雖然肺爲清肅之宮原無自焚之理何以火起於肺乎蓋  
肺主皮毛肺氣少虛而風寒襲之則肺中正氣與邪氣相  
戰寒變熱而風<sub>續</sub>氣肺因生火而自燦其肺中之津肺與  
大腸既爲唇齒之國肺之津潤而大腸之液亦竭矣治之  
法似應連解其肺經之火然而肺可輕治而不可重施以  
輕清下降之味少抑其火庶胃中之火不來助炎心中之  
火不來添旺則肺火自散陰液自生大腸不必逼而自通  
也力用抑火湯 山豆根二錢 黃芩三錢 麥冬一兩 天門  
冬五錢 當歸一兩 升麻五分 水煎服三劑而肺火清又肺

辨言舌門  
二劑而大腸之閉開矣再服二劑全愈此方抑肺經之火而又不傷肺經之氣肺金得養津液流通又何至於大腸之閉結哉

人有大腸閉結不通飲食無礙并無火症之見亦無後重之機有至一月而不便者人以爲腎中之無津也誰知是氣虛而不能推送乎夫大腸無津固不能潤而無氣亦不能行無氣者言氣弱也此氣者乃脾胃之陽氣也陰主降而陽主升陽通於陰則陰能降陰通於陽則陽能升陽氣一衰則陽不能通於陰矣而陰乃與陽相隔則水穀入於腸各消各化而不相統會故留中而不下也且陽主速而

陰主遲陽氣既衰則陰行難速遽入於陰分而陽不能相  
逼聽陰氣之自行安得而不濡滯耶治之法不可滋陰以  
降之亟當助陽以升之也方用升陽降濁湯 人參五錢  
黃芪五錢 白朮五錢 當歸五錢 柴胡三分 荆芥五分 麥冬  
五錢 肉桂一錢 附子一分 水煎服一劑而大通矣此方純  
是補陽分之藥止麥冬當歸少益其陰則陽氣勝陰始有  
偏旺之勢又得附子肉桂直入於至陰之中引柴胡荆芥  
以升提其陽氣也陽氣一升而陰氣立降又安能阻塞之  
哉

人有大便閉結不通手按之痛甚欲死心中煩燥坐卧不



寧似乎有火然小便又復清長人以爲有鞭尿留於腸中  
也誰知是畜血而不散乎夫畜血之症傷寒多有之今其  
人並不感風寒之邪何以亦有畜血之病不知人之氣血  
無一刻不流通於經絡之中也一有拂抑則氣卽鬱滯而  
不通而血卽停住而不散於是遂過於皮膚而爲癰留於  
腸胃而成痛痺結成塊四往傳化之機隔斷糟粕之路大  
腸因不通矣治之法宜通其大腸而佐之遂穢之味然而  
草木之藥可通無刑之結而不能通有刑之結也血乃有  
形之物必得有形相制之物始能入其中 散其結方用  
抵當湯治之 水蛭三錢 剪碎如米粒大后黑蟬虫二錢